

Knock Out Model Agency cu mas curso interesante"

E biaha aki tin hasta pa e mayornan

scirbi pa Ronchi De Cuba

Recientemente Knock Out Model Agency a lanza ariba mercado, Mini Knock Out, esaki un agencia dedica completamente na modelahe infantil. Prueba di e expertisio y tremendo labor di Knock Out Model Agency ya caba a ser demonstra na varios occasion. Mirando cu dicho agencia ta hasi diez anja di existencia aki na Aruba, e directiva a dicide di amplia e familia di Knock Out. Esaki a cuminsa cu e tremendo "branch", esta Mini Knock Out Model Agency, cu ultimamente a presenta, dia 31 di Mei na Tropi-

cana Showroom di Royal Cabana Casino, e tremendo desfile di moda infantil di Benetton, esta "Barbie Girl". Durante e desfile aki e publico presente por a aprecia e mini modelonan presentando e sublime look di Benetton. Mirando e tremendo resultado di e desfile aki, Knock Out a dicide di continua cu nan plan, esaki pa desaroya y bira e agencia mas completo den area di Caribe y Latino America. Siguiientemente e diferente cursonan cu Knock Out Model Agency lo bay ofrece....

MINI KNOCK OUT MODEL AGENCY
Cuminsando dialuna dia 22 di Juni, 1998, Mini Knock Out Model Agency lo presenta e di dos curso di "Modelahe Infantil - Principi-

ante", cual lo encera e aspecto basico di modelahe treci dilaanti den un forma sumamente infantil, mirando cu e curso aki ta completamente dedica na muchanan entre cuatro (4) y diezun (11) anja. Aki e muchanan lo ricibi les di expertonan di modelahe aki na Aruba. Esakinan ta e mesun instructofanan cu a sa di entrena e muchanan cu a participa den e ultimo desfile impactante di Mini Knock Out, esta "Barbie Girl". Joslenny Chikito, Deborah Hellburgh, Julissa Kelly, Jerianne Tiel, conhuntamente cu Jenny Croes lo fungi como e juffrouwnan pa cu e di dos les di "Modelahe Infantil - Principiante". Dicho les lo tuma lugar tur dialuna, diarazon, y diabierna cuminsando pa exactamente 4 p.m. te cu 6 p.m. na residencia De Cuba na playa. Duracion di dicho curso lo ta exactamente dos luna caminda cu despues e mini modelonan lo presenta un desfile impactante den Tropicana Showroom di Royal Cabana Casino. Durante e curso di "Modelahe Infantil - Principiante" e muchanan lo ricibi cursonan di pasarela, foto pose, nutricion, vocabulario di moda, y mini etiquette, cual siguramente lo contribui na nan desaroyo gen-

eral. E curso aki ta pa muchanan entre 12 y 15 anja. Tambe Mini Knock Out Model Agency ta presenta e curso "Modelahe Infantil - Profesional" cual lo ta un curso mas avanza den e tremendo mundo di modelahe pa mucha. E curso aki lo cuminsa diamars dia 23 di Juni, 1998 di 5 p.m. pa 7 p.m. na residencia De Cuba na playa cu un duracion di un luna. Dicho curso tambe lo conta cu e expertisio di modelonan profesional manera e.o. Deborah Hellburgh, Joslenny Chikito, Julissa Lampe, Jerianne Tiel, y Jenny Croes. Den dicho curso e modelonan cu ya caba a obtene nan diploma di "Modelahe Infantil - Principiante" lo ricibi classenan avanza di vocabulario di moda, foto pose, pasarela internacional, maquillaje & peynado, como tambe nutricion, etiquette, y entrevista. E seccion di entrevista lo ta uno nobo caminda cu e muchanan lo sinja con pa contesta preguntanan adecuadamente, con pa mira e camara pa television of pa medio escrito, y con pa domina un stage. **PRE TEEN KNOCK OUT MODEL AGENCY**
Otro departamento nobo di Knock Out Model Agency ta e "Pre Teen Knock Out", esaki

ta encera modelahe pa muchanan entre 12 y 15 anja. Cada joven cu lo kier converti nan mes den modelo mester tuma e curso basico aki pa asina logra obtene maximo resultado pa cu e desaroyo den e mundo di modelahe. Dicho curso, cual ta "Modelahe Pre Teen - Principiante" lo cuminsa dialuna dia 22 di Juni, 1998 na residencia De Cuba na playa, pa exactamente 6 p.m. te cu 8 p.m. y lo tuma lugar ariba dianan dialuna, diarazon, y diabierna. "Modelahe Pre Teen - Principiante" lo introduci e "pre teenagers" cu e ultimo estilonan di pasarela na nivel internacional, lo duna lesnan di "fashion trends", cual lo dedica na mantene e jovenan al dia pa locual ta trata moda en general, etiquette, nutricion, maquillaje & peynado, como tambe foto pose y expression dramatico, combina cu vocabulario di moda. E curso aki siguramente lo yuda cualquier joven pa desenvolve nan mes den forma sano, hasiendo asina cu nan lo ta mas prepara pa enfrenta bida cu un actitud positivo. Na final di e curso aki e modelonan lo presenta un tremendo desfile moderno na Tropicana Showroom presentando moda na nivel internacional y naturalmente, cu e look joven y dinamico.

No racism. Be STING

STING occhiali

Shatri ARUBA N.V.

Belgiestraat #34 - Tel: 828561/828576/828573 Fax: 828578

ADULT KNOCK OUT MODEL AGENCY

Aki e oportunidad ta yega na e mayornan, caminda cu nan tambe lo por ricibi classenan di modelahe y asina demonstra, mescos cu e muchanan, cu e arte di modelahe no tin edad. Cuminsando diasabra dia 27 di Juni, 1998 pa exactamente 7 p.m. pa 9 p.m. cu un duracion di dos luna. E mayornan lo ricibi cursonan di maquillaje, peynado, pasarela, foto pose, etiquette, nutricion, cuidio di cutiz, moda internacional, como tambe vocabulario di moda. Haciendo asina cu cada persona participando den e curso aki lo ricibi nan adecuado "dose" di moda, pa mantene nan mes al dia y representable na unda cu nan frequenta. "Modelahe Adulto - Principiante" ta un curso pa esnan cu kier mantene nan look modernisa, ta representable tur caminda, y tin conocimiento di moda y beyeza internacional. Dicho curso lo ser duna pa expertonan di moda, manera e.o. Ronchi De Cuba, Deborah Hellburgh, Joslenny Chikito, Julissa Kelly, y e staff profesional di Knock Out Model Agency.